

劉氏文存

序跋

劉氏本源序

七房滋芬 啟錫撰

我祖原帝堯之子有文在手曰劉累遂封於劉  
卽定州之唐縣其後在夏爲御龍氏至商爲豕  
韋氏周成王滅唐遷其族於長安下杜是爲唐  
杜伯又稱爲唐杜氏宣王滅唐其子隰叔奔晉  
爲士師生士薦薦生處伯缺缺生士會會適秦  
復歸晉有子畱於秦自爲劉氏生明明生遠遠

生陽傳十世曰獲爲魏大夫秦滅魏始徙大梁  
獲生清清徙沛生仁號仁號生熾一熾一子四  
曰伯仲邦交邦卽漢高祖也傳景帝生發封長  
沙爲定王越六世至光武中興封子荆爲廣陵  
侯謚思王荆生平封兪鄉元侯平生彪襲父封  
彪生元元生熙仕魏爲尙書郎熙後曰德隆仕  
吳爲散騎侍郎致仕居澱之婆源牧童市修德  
普濟時稱爲劉太公其子道誠西晉咸甯中陳  
州刺史值時擾亂偕弟道崇兵部侍郎以族南

遷至豫州新吳而家焉道誠學仙術修真鍊丹  
拔宅上升今劉仙福地其故居也道崇胥宇上  
富是爲今上富發源之始祖也崇子璧溫生緒  
隆緒隆生徵晉永和申戶部員外郎徵生文度  
康甯間會稽都尉文度子述宋泰始間漁陽大  
守述子元謨梁大通開越騎司馬遠四世曰漢  
隋大業中鴛鴦寺剎漢子滂唐貞觀中校書滂  
子子敬爲法曹參軍子敏生夷甫天寶中司隸  
校尉夷甫之孫祥承奉中朝散大夫祥生進元

與元間授穎川令傳二世曰慎虛與兄嘉貞皆以文名世慎虛子曰黈翰林侍讀曰麟唐會昌中國子博士麟子鑫廣明中舉進士據上黨譜傳自德隆至鑫世代遼遠卷牒缺略不能詳證由鑫之孫名秀以後娶薛詳明上黨始修家乘卽以秀爲一世祖其後三世曰煒宋景德中兵部尙書四世十三許州長社縣主簿六世廷芳吉水縣令七世辨潭州通判八世千齡千能千瑞千祥皆辨之子千齡知平江縣子伯瑱徙本

邑坪上伯瑜徙甯邑茅田千能無後千瑞有子  
遷霞橋其伯璋伯琦伯珍伯傑伯琬等科第聯  
登並瑱瑜散處坪上茅田者皆屬千齡千瑞之  
派也其監御軍器重方係十一世舊譜有序平  
遠係十二世時稱爲劉十萬天奇係十三世明  
洪武時人知重慶大足縣亦千齡千瑞之裔也  
蓋分源靡旣矣至于祥賢徙新昌之金源張氏  
生九世愿擢沅州軍州節制軍事賜紫金魚袋  
贈其父母奉敕榮葬又徙本邑城西之鹽臺山

下十世師尹江陵推官師皋襲蔭至郢州通判  
師尹生東叟希叟爲十一世希叟生禹一叔二  
東叟博學能文有啖蔗集行世生俊一俊二爲  
十二世俊二又徙縣北之昇平坊生子六壽甫  
仁甫昇甫瑞甫順甫祥甫壽甫子三長曰朝用  
又徙天寶之松灣生思廉思舟思讓思舟官福  
建運使係十五世生仲式係十六世明成化二  
十三年壽已八十零撰有譜序  
仲式與南仲同派成化  
間八十零亦明上下  
希叟曾孫曰朝傑徙新安之塘浦要自願遷鹽

臺而分徙昇平鎖溪松灣印源萬載各處者皆  
千祥之派也齡瑞祥三地三支總以上富爲份  
榆我族皇羽氏譜序所云自千祥子愿公傳八  
世而至始祖南仲仲一諸公遷楚

愿至仲武七世  
云八世不詳知據

且派系未詳  
八世恐不確

所偕別桑梓而來楚南者南仲公並有

亨仲山仲兄弟列公嗣未詳註外有文章文貴  
仲一仲二仲三受一受仲列公文貴仲二仲三  
受仲列公徙處不詳僅受一公於雍正二年撰  
二世祖妣于孺人元明殿棗坡墓地贊之翰

劉氏本源片

劉氏本源片

四

院檢討諱蛟者始知爲受一公遷貴州之裔也  
仲一公胥宇瀏陽南市街始派相同中稍異自  
合譜立派後皆如一今之徙居南鄉觀音閣張  
機坪蔡家山老竹灣並南市街者皆仲一公之  
裔也文章公居瀏陽潦澣市南山下生仁四公  
至五世宗道公與我分宗富公以富甲都宗道  
公子友良友恭友寬友淵友岡五公友岡公無  
後今之徙居東鄉渣漿田善邑大璧田及故居  
山下者皆文章公之裔也族始修譜原以仲一



公爲南市之始文章公爲山下之始南仲公卽我等之始究譜所敘則三公皆出於天寶松濟之朝用公上而溯之由於鹽臺山之愿公金源之千祥公上富之夸公及豫州新吳之道崇公牧童市之德隆公中興之光武創業之高祖徙沛之清公徙大梁之獲公居秦之明公奔晉之隰叔封定州之劉累溯其本於帝堯斯則我劉氏源之所以遠流之所以長也